

Vocalis in quam cadit accentus principalis est longa et aequivalet duabus cum accentu in prima. Sic vocabulum Yakasin-kinmiki, *Deus* pronuntiabis ita: *Yakasiakinmiki*; pariter vocabula nasukwin, *dux, rex*; sukni, *bonus est* pronuntiabis *nasukwin, sūkni*. Idem dicito de aliis plus minusve.

Libentissime, ut simplicior evaderet orthographia, abstinuissimus a litera *w*, et eius loco usi fuissimus vocali *u*; at hoc non licuit praecipue propter accentum. Sane excluso *w* saepe dubitabis de syllaba in quam cadit accentus principalis; dum contra mediante litera *w* nullum dubium esse poterit. Etenim regula generalis est, nullam rationem esse habendam de litera *w* quando quaeritur locus accentus principalis; quia litera *w* vel est consona, vel format diphthongum cum vocali cui sociatur, in quam et non in *w* cadet accentus. Sic in vocabulis nasukwin, *dux, praeses*; nisawas, *cibavit nos*; kiwam, *qui pervenit*, illico cognoscis locum accentus, ex regula generali: dum ex eadem regula, si loco litera *w* poneres *u*, vocabula allata ita scribi deberent: *nasukuin, nisauas, kinam*, quemadmodum iure merito scribis e. g. kuŋas, *qui esurivi* ex verbo un-uas-ni, *esurio*.

Litera *w* censenda est consona quoties illam sequatur vocalis *u* vel *o* et pronuntiatur ut in anglico *water*. Sic *w* est consona in vocabulis wu'u, *aqua*; kaswu, *amicus meus*; kwos *pipa ad hauriendum fumum ex tabaco*; quae duo postrema vocabula quaeso ne confundas cum kasu, *pater meus (filiae)*; kos, *illic*. Pariter litera *w* censenda est consona quoties interiacet inter duas vocales, vel est prima litera vocabuli.

Litera *w* censenda est vocalis in particulis *ukuwa, ukwi*: imo in eiusmodi particulis, quicumque demum sit earum locus in vocabulo, litera *w* habenda est ut phonica. Mos enim est penes ksanka, ut quoties in aliquo vocabulo litera *k* interiaceat inter vocalem *u* et vocalem *a* vel *i*, inseratur post *k* vocalis auxiliaris *w*, quae est veluti *echo vocalis* u praecedentis. Quod ut intelligas, animadverte primam personam verbi e. g. kakani, *ita se habet* pronuntiari *ukwakani* loco *ukakani*. Similiter eadem particula *kin* assumit *w* post *k* in verbo nukwinni, *perfecit*, et immutata manet in verbo nitkinni *fecit*. Similiter habes kaŋpgani, *non vidit*,